

Служба о́бщая
преподобноиспове́днице Росси́йстей XX ве́ка
еди́ней

ВЕ́ЧЕР

На Го́споди, воззва́х: стихи́ры, глас 8.

Подобен: О, пресла́внаго чудесе́ :

О, пресла́внаго чудесе́ !/ Е́вина дщи избежа́ пре́лести
зми́евы,/ испове́дница и́ мярек преподо́бная,/ ея́ же ле́пота
душе́вная/ Це́ркве Ру́сския бысть украше́ние,/ та бо,
страда́ния нивочто́же вменя́ющи,/ претерпе́суди́ще
беззаконное./ Сего́ ра́ди на Стра́шнем Суде́ Христо́вом//
ми́лостивая засту́пница нам бу́дет.

О, блаже́ннаго изволе́ния!/ Сомани́тида дре́вле проро́ка
Бо́жия Елиссе́я почти́ / во дни отступле́ния Изра́иля от
Бо́га,/ ты же, преподобноиспове́днице и́ мярек,/ во дни
гоне́ния безбо́жнаго в земли́ на шей,/ Христа́ небо́язненно
испове́дала еси́ / и, по́слежде благоче́стно пожи́вши,/
по́двиг твой в ми́ре сконча́ла еси́ .// Сего́ ра́ди мо́лим тя
спасти́ся душа́м на́шим.

О, премудрости ра́зума!/ Восхваля́ет Соломо́н жену́
мужелюби́вую,/ мы же вельми́ воспева́ем боголюби́вую,
преподобную страда́лицу и́ мярек,/ сия́ бо, науче́на от
Свята́го Ду́ха,/ Христа́ на суди́щи испове́дала / и, ве́ру
правосла́вную нело́жно храня́щи,/ врата́ми пра́вды в
Ца́рство Небе́сное вни́де, // иде́ же мо́лится спасти́ся душа́м
на́шим.

О вели́я благоче́стия си́ло!/ Па́вел хва́лит благоче́стивую
жену́ ,/ наипа́че ублажа́ет де́вство Христа́ ра́ди,/ ты же,
преподобная ма́ти и́ мярек,/ Небе́снаго Жени́ха
возлюби́вши,/ вся́ кра́сная ми́ра оста́вила еси́ / и, я́ко ве́но,
страда́ние и́ житие́ пра́ведное от Него́ прия́ла еси́ .// Ны́не
же сли́ки му́дых дев Христу́ предстои́ши // и мо́лишися
спасти́ся душа́м на́шим.

Сла́ва, глас 3:

Боже́ственным раце́нием укрепля́ема,/ пучи́ну гоне́ний
до́бле прешла́ еси́ ,/ преподобная и́ мярек достосла́вная,/ и к
Све́ту Незаходи́мому, я́ко испове́дница Христо́ва, возшла́
еси́ ,/ иде́ же вку́пе с новому́ченики и испове́дники
Росси́йскими мо́лишися, / о́е же сохрани́тися земно́му
Оте́честву на́шему в Правосла́вии // и спасти́ся душа́м
на́шим.

И ны́не, Богоро́дичен: Ка́ко не диви́мся:

Вход. Проки́мен дне. Чте́ния 3 му́ченическая.

На стихо́вне стихи́ры, глас 4.

Подобен: Дал еси́ зна́мение:

Дал еси́ кре́пость и си́лу/ боя́щейся Тебе́ , Го́споди,/
преподобноиспове́днице и́ мярек,/ я́коже дре́вле святы́м
жена́м,/ победи́ти ви́димыя и неви́димыя враги́ .// Те́мже

ны́ не воспева́ют ю́ свяще́нницы Госпо́дни, / и велича́ют вси
лю́дие земли́ Ру́сская, / я́ко претерпе́ гоне́ния и
заточе́ния // вели́кия ра́ди сла́вы Твоея́ .

Стих: Приведу́т ся́ Царю́ де́ вы // в весе́лии и ра́довании.

А́ще безу́мнии тща́ хуся / угро́зами и ле́стию притво́рною /
тече́ние твоё ко спасе́нию разори́ти, / оба́че преподо́бней
ру́це к Бо́гу воздева́юща, / Амали́ка мы́сленнаго победи́ла
еси́ / и, цело́му дря́ху свещу́ е́м испове́дания уясни́вши, / с
му́дрыми де́вами в неве́стник неизрече́нных сла́вы возшла́
еси́, // страстоте́рпице и́мярек преподо́бная.

Стих: Испове́мся Тебе́ в век, я́ко сотвори́л еси́, // и терплю́
и́мя Твое́ .

Я́ко ла́стовица доброгла́сная, / Це́ркви на́шей ве́снугу
обновле́ния / страда́нием за Христа́ возвести́ла еси́, /
богоблаже́нная ма́ти и́мярек. / Ны́ не же со́гла сом
преподо́бных и всех новому́чеников Росси́йских / Го́спода
при́сно прославля́еши / и мо́лишися Ему́ усе́рдно, / мир и
благоче́стие Оте́честву на́шему дарова́ти // и душа́м
на́шим ве́лию ми́лость.

Сла́ва, глас 6:

Благода́ть Бо́жию невреди́му сохра́ньши / страда́нием и
испове́данием, / в ме́ру во́зраста исполне́ния Христо́ва
досто́гла еси́, / богому́драя ма́ти и́мярек, / и, я́ко пшени́ца
до́брая на ни́ве Росси́йстей враще́нная, / от жития́
претру́днаго в Небе́сных жи́тницы собрана́ бысть. / Те́мже,
Бо́гу ны́ не предстоя́щи, // моли́ о ве́рою и любо́вию чту́щих
тя.

И ны́не, Богоро́дичен: Творе́ц и Изба́витель:

Тропа́рь, глас 5:

Христа́ Го́спода Иису́са ве́рная учени́це, / Це́ркве
Росси́йския избра́нная а́гнице, / преподо́бная ма́ти и́мярек, /
ле́гкое и го́и я́звы Госпо́дни любо́виюнося́щи, / ле́ствицею
доброде́телей и испове́данием ве́ры / к Нему́ я́ко Небе́сному
Жениху́ востекла́ еси́, / Его́же моли́ сохрани́ти в
благоче́стии лю́ди Росси́йския // и спасти́ ду́ши на́ша.

НА УТРАНИ

По 1-м стихосло́вию седа́лен, глас 3:

Кто не подиви́т ся́ благоразу́мию твоему́, досто́чудная ма́ти
и́мярек, / я́ко Го́споду неотсту́пно после́довала еси́ и, о
спасе́нии души́ твоея́ Того́ усе́рдно умоля́юща, / кре́пость
на гони́тели Це́ркве Ру́сская обрела́ еси́. / Сего́ ра́ди
ева́нгельски вопие́м ти: / о́же но, ве́ра твоя́ спасе́тя.

Сла́ва, и ны́не, Богоро́дичен:

Тя, хода́тайствовавшую спасе́ние ро́да на́шего, / воспева́ем,
Богоро́дице Де́во, / пло́тию бо, от Тебе́ восприя́тою, Сын Твой
и Бог наш, / Кресто́м восприи́м Страсть, / изба́ви нас от тли,
я́ко Человеколю́бец.

По 2-м стихосло́вию седа́лен, глас 4:

В безмо́лвии и посте́ зако́ну Госпо́дню поуча́ющися, / в
нощи́ гоне́ний на Це́рковь Ру́сскую / тве́рдым испове́данием
ве́ры свеща́ негаси́мая яви́лася еси́, преподо́бная ма́ти
и́мярек, / и день гряду́щаго спасе́ния Оте́честву на́шему
возвести́ла еси́. / Те́мже ты похвала́ ми сла́вными велича́ем.
Сла́ва, и ны́не, Богоро́дичен:

Пресвята́я Де́во, упова́ние христиа́н, / Бо́га, Его́же родила́
еси́ па́че ума́ и сло́ва, / непреста́нно моли́ сохрани́ти в
Правосла́вии / ве́рою и любо́вию при́сно Тя велича́ющия.

Велича́ние:

Велича́ем тя, / преподобноиспове́днице и́мярек, / и чтим
святу́ю па́мять твою́, / ты бо мо́лиши за нас // Христа́ Бо́га
на́шего.

Псалом избра́нный:

1-й лик: Терпя́ потерпе́х Го́спода, и внят ми, и услы́ша
мо́литву мою́.

2-й лик: Поста́ви на ка́мени но́зе мои́ и испра́ви стопы́ моя́.

1-й лик: Смиря́х постом́ ду́шу мою́.

2-й лик: Полу́нощи воста́х испове́датися Тебе́, седмери́цею
днем хвали́х Тя.

1-й лик: Непра́вду возненави́дех и омерзи́х, зако́н же Твой
возлюби́х.

2-й лик: Утрудя́хся дыха́нием мои́м, измы́ю на вся́ку
нощь ло́же мое́, слеза́ми мои́ми посте́лю мою́ омочу́.

1-й лик: Испове́мся Тебе́ в пра́вости се́рдца, внегда́ научи́ти
ми ся судьба́м пра́вды Твоея́.

2-й лик: Изба́ви мя от гоня́щих мя, я́ко укрепя́шася па́че
мене́.

1-й лик: За словеса́ усте́н Твои́х аз сохрани́х пути́ же́стоки.

2-й лик: Искуси́л мя еси́, и не обре́теся во мне́ пра́вда.

1-й лик: Изведи́ из темни́цы ду́шу мою́, испове́датися и́мени
Твоему́.

2-й лик: Бог мой еси́ Ты, и испове́мся Тебе́ всем се́рдцем
мои́м.

1-й лик: Бла́го есть испове́датися Го́сподеви, и пе́ти и́мени
Твоему́, Вы́шний.

2-й лик: Испове́мся Тебе́ в век, я́ко сотвори́л еси́, и терплю́
и́мя Твое́, я́ко благо пред преподо́бными Твои́ми.

По полиеле́ и седа́лен, глас 1:

Я́ко жена́ ева́нгельская заква́ску в три ме́ры муки́ вложи́, /
та́ко ты, достохва́льная, испове́данием ве́ры Правосла́вныя /
трича́стное души́ твоея́ освяти́ла еси́: / ра́зум и́стиною
Христо́вою, / жела́ния во́лею Бо́жиею, / чу́вствия же
любо́вию ко Го́споду, / и си́ми и́же на Це́рковь Ру́сскую
ополчи́вшияся / посрами́ла еси́, преподобноиспове́днице
и́мярек.

Сла́ва, и ны́не, Богоро́дичен:

О Державная Всецарице, / преподобных надеждо, мучеников
крепосте, / Ангелов славо, человек покрове / и всего мира
всемощная Заступнице, / избави Церковь Русскую всякаго
злаго обстояния, / единая Чистая и Благословенная.
Степенна, 1-й антифон 4-го гласа. Прокимен, глас 4: Дивен
Бог во святых Своих, // Бог Израилев. Стих: В церквях
благослови те Бога, Господа от источник Израилевых.
Всякое дыхание: Евангелие от Матфея, зачало 104.

По 50-м псалме стихи ра, глас 6:

Днесь невеста Христова, / страстотерпица и мярек славноя, /
кровьми мученическими украшеная, / яко голубица
кропкая, / криле поста и моли твы имущая, / в чертог
Небесаго Жениха возлетевши, / слики святых
новомучеников Российских / Престолу Божию предстоит // и
славит Превечнаго Бога.

Канон, егоже краеграние сие кроме Богородичное:

Приведу тся Царю деви в след Ея. Глас 8.

Песнь 1

Ирмос: Поим Господеву, / преведшему люди Своя сквозе
Чермное море, // яко Единая славно прославися.

Приими песние, и мярек благославная, / цвете благоуханный
Церкве Русския, / от почитающих любовию постническая и
исповедническая подвиговя.

Ревностию по Бозе / стремления богохульная в Русстей
земли посрамила еси / и гонители безбожия исповеданием
веры обличила еси, славноя и мярек.

Изушавши постом страстей море, / твердою верою стезю
исповедничества безбедно прешла еси / и в Небесных
селениях водворилася еси, и мярек богоблаженая.

Богородичен: Тебе Предстательницу имущия, Пречистая, /
славная жены, постом и терпением змиеву держа
сокрушившия, / славу Небесную обретоша.

Песнь 3

Ирмос: Ты еси Утверждение / притекающих к Тебе,
Господи, / Ты еси Свет омраченных, // и поет Тядух мой.

Веры Православныя щит восприемши, / и одеждею
целому дрябле облекшися, матери и мярек, / козни дьявола, на тя
устремленные, / мужественно отразила еси.

Евангельских заповедей исполни тельница и Православия
ревнительница, / невеста чистая Христу Богу и украшение
земли на шея явилася еси, / исповеднице и мярек,
доблестная матери.

Доблественно Богу работавши, / плоть распяла еси со
страстьми и похотьми / и души твоя, матери и мярек, / любве
ради Христова не пощадила еси.

Богородичен: Тебе, Богородительнице, честная жены
предстояща, славу воздаю т, / пощением крепко
подвизавшия / и мужественно врага низложишия.

Седа́ лен, глас 4:

Украси́ вши ду́ шу твою́ красо́ ю кро́ ткаго и молчали́ ваго
ду ха,/ уста́ же испове́ данием ве́ ры освяти́ вши,/ /
Красне́ йшему добро́ тою, па́ че сыно́ в челове́ ческих,
предста́ ла еси́ ,/ за Русь многострада́ льную моля́ щися,/ /
преподобноиспове́ днице и́ мярек честна́ я.

Сла́ ва, и ны́ не, Богоро́ дичен:

От А́ нны пра́ ведныя процве́ тши, Де́ во,/ родила́ еси́ Царя́
Христа́ и ра́ дость ро́ ду челове́ ческому дарова́ ла еси́ ./ Сего́
ра́ ди рождеству́ Твоему́ сра́ дуются благочести́ вых жен
сосло́ вие земли́ на шея,/ ко́ зни гони́ телей сла́ вно
препобеди́ вшия.

Песнь 4

Ирмо́ с: Услы́ шах, Го́ споди,/ смотре́ ния Твоего́ та́ инство,/ /
разуме́ х дела́ Твоя́ // и просла́ вих Твое́ Божество́ .
Ум впери́ вши к Бо́ гу,/ Амали́ ка зломы́ сленнаго моли́ твою
победи́ ла еси́ , ма́ ти и́ мярек,/ и, я́ ко испове́ дница сла́ вная,
страда́ ния за Христа́ претерпе́ ла еси́ .
Тве́ рдость ве́ ры Правосла́ вныя показа́ вши, преподо́ бная
ма́ ти и́ мярек,/ гоне́ ния, у́ зы темни́ чныя и го́ рькия рабо́ ты
претерпе́ ла еси́ ,/ си́ лою Креста́ Христо́ ва укрепля́ ема.
Страсте́ й безобра́ зия совле́ кшися, сла́ вная,/ по́ двиг чистоты́
и целому́ дрия яви́ ла еси́ / и, а́ нгельский о́ браз
восприи́ мши,/ страда́ нием Христу́ Бо́ гу сочета́ лася еси́ .
Богоро́ дичен: Богома́ ти Пречи́ стая,/ Госпо́ дь от Тебе́
неизрече́ нно плоть прия́ т,/ сего́ ра́ ди жен естество́ , иногда́
под кля́ твою бы́ вшее, ны́ не возвели́ чися.

Песнь 5

Ирмо́ с: У́ тренююще, вопие́ м Ти:/ Го́ споди, спаси́ ны,/ Ты бо
еси́ Бог наш, // ра́ зве Тебе́ ино́ го не ве́ мы.
Я́ ко сокро́ вище многоце́ нное, спасе́ ния усе́ рдно взыску́ ющи,
преподо́ бная ма́ ти,/ Христу́ усе́ рдно после́ довала еси́ / и
крест страда́ ния му́ жественне подъя́ ла еси́ .
Ца́ рства Небе́ снаго возжеле́ вши, досточу́ дная и́ мярек,/ /
ду́ шу твою́ покая́ нием очи́ стила еси́ / и по́ двиги страда́ ния
терпели́ вно подъя́ ла еси́ .
А́ нгели светоно́ снии дивя́ щеся терпе́ нию твоему́ , ма́ ти
сла́ вная,/ ду́ шу твою́ , благода́ тию освяще́ нную,/ Престо́ лу
Го́ спода вы́ шних Сил приведе́ ша.
Богоро́ дичен: Покро́ в и Засту́ пницу Тя иму́ щия, Всечи́ стая,/ /
жены́ благочести́ выя земли́ на шея во дни безбо́ жия не
отверго́ шася Го́ спода,/ оба́ че, изгна́ ния и страда́ ния
му́ жественне претерпева́ ющия,/ непобежде́ ны пребы́ ша.

Песнь 6

Ирмо́ с: Ри́ зу мне пода́ ждь све́ тлу,/ одея́ йся све́ том, я́ ко
ри́ зою, // Многomí лостиве́ Христе́ Бо́ же наш.
Ри́ зу плотска́ го мудрова́ ния совле́ кши воздержа́ нием и
муче́ нием, боголюбе́ зная и́ мярек,/ ри́ зу спасе́ ния от Христа́

Бо́га невестоле́пно восприя́ла еси́, / те́мже во тьме безбо́жия
досточу́дно в стране́ на шей просия́ла еси́.

Ю́зы темни́чныя, глад и гоне́ния / претерпе́ла еси́,
му́жественне, преподобноиспове́днице и мярек, / те́мже о́браз
ве́ры и благоче́стия Росси́йским жена́м яви́ла еси́.

День и но́щь простира́ла еси́, испове́днице, преподо́бней
ру́це твои́ к Бо́гу, / Еди́ному могу́щему сохрани́ти тя в
напа́стех, / те́мже тя у́блажа́ем.

Богоро́дичен: Жены́ и де́вы, благоче́стию поноша́ему в
стране́ на шей, посто́м и страда́нием Го́споду угоди́ша. /
Ны́не же непреста́нно мо́лятся Сы́ну Твоему́, Пречи́стая, / да
утверди́тся в Правосла́вии Це́рковь Ру́сская.

Конда́к, глас 4:

Я́ко крин благоуха́нный, / посреде́ пусты́ни безбо́жия / в
земле́м Оте́честве твое́м процвела́ еси́, / преподо́бная ма́ти
и мярек, / и, по́двигом воздержа́ния испове́данием ве́ры
украси́вши, / востекла́ еси́ к Небе́сному Жениху́ Христу́, //
И́же увенча́тя красото́ю сла́вы нетле́нныя.

И́кос:

Ка́ко воспой́м тя, Це́ркве Ру́сская похвалу́, досто́блженая
испове́днице преподо́бная и мярек, / от ю́ности жите́йская
попече́ния отри́нувшую / и благу́ю часть и еди́ное на потре́бу
избра́вшую, / преподо́бие по́двигом зако́нным
запечатле́вшую / и страда́нием сло́во Христа́ Бо́га на́шего
испо́лньшую, / И́же увенча́тя красото́ю сла́вы нетле́нныя.

Песнь 7

Ирмо́с: О́троцы евре́йстии в пе́щи / попра́ша пла́мень
дерзнове́нно / и на ро́су огнь преложи́ша, вопию́ще: //
благослове́н еси́, Го́споди Бо́же, во ве́ки.

Еле́ем благода́ти огнь любви́ ко Христу́ распала́юща, / огня́
ве́чнаго избе́гла еси́ / и, гоне́ния мучи́телей нивчто́ же
вменя́юща, / в черто́г к Жениху́ Небе́сному возшла́ еси́, /
преподобноиспове́днице и мярек сла́вная.

Вавило́ни дще́ реокая́нныя ме́рзкое порожде́ние, /
безбо́жию хотя́ще преда́ти зе́млю Ру́сскую, / о ка́мень
испове́дания твоего́ пса́ло́мски разби́ла еси́, преподо́бная
ма́ти и мярек.

Воздержа́ния росо́ю пла́мень страсте́й угаси́вши, /
испове́данием ве́ры воста́ния богоху́льная сокруши́ла еси́,
досто́блженая ма́ти, / и о́браз ве́рным лю́дем яви́ла еси́.

Богоро́дичен: Я́ко Бо́га ро́ждшую пло́тию, Пречи́стая, /
пра́вом благоче́стным чтим Тя непреста́нно / вку́пе с
честны́ми жена́ми, / посто́м просия́вшими и страда́нии
врага́ низложи́вшими.

Песнь 8

Ирмо́с: Седмери́цею пе́щь / халде́йский мучи́тель /
богочести́вым неи́стовно разжже́, / си́лою же лу́чшею
спасе́ны сия́ви́дев, / Творцу́ и Изба́вителю вопия́ше: /

о́ троцы, благослови́ те, / свяще́ нницы, воспо́ йте, // лю́ дие,
превозноси́ те во вся ве́ ки.

Спасе́ тся жена́ ча́ доро́ дием, веща́ ет апо́ стол. / Ты же,
преподобноиспове́ днице и мярек, мно́ гия доброде́ тели
породи́ вши, / я́ ко лоза́ плодови́ та, в верто́ гра де Це́ ркви
Ру́ сския яви́ лася еси́ / и страда́ ньи твои́ ми вино́
спаси́ тельное источи́ ла еси́ / сла́ вящим о тебе́ Христа́ во
ве́ ки.

Любо́ вию Христо́ вою уязви́ вшися, / к испове́ данию
ве́ ры устреми́ лася еси́ , и мярек, / и, чистоту́ душе́ вную
храня́ щи, / страда́ ние, я́ ко дар, Невестокраси́ телю душ
принесла́ еси́ , / превознося́ щи Его́ во ве́ ки.

Е́ вино преслуша́ ние, породи́ вшее смерть, при́ сно
помышля́ ющи, достосла́ вная и мярек, / послуша́ нием Христу́
ми́ ру у́ мре, / последи́ же и испове́ данием ве́ ры просла́ ви
Его́ . / Те́ мже, на Не́ бо возше́ дши, / Тро́ ицу Свя́ тую
благослови́ ши во ве́ ки.

Богоро́ дичен: С новому́ ченики и испове́ дники Росси́ йскими,
Пречи́ стая, / и все́ ми святы́ ми жена́ ми / умоли́ Еди́ наго во
святы́ х почива́ ющаго / сохрани́ ти зе́ млю на́ шу,
славосло́ вящую Тя во вся ве́ ки.

Песнь 9

Ирмо́ с: Ужасе́ ся о сем Не́ бо, / и земли́ удиви́ шася концы́ , /
я́ ко Бог яви́ ся челове́ ком пло́ тски / и чре́ во Твое́ бысть
простра́ ннейшее Небе́ с. / Тем Тя Богоро́ дицу // А́ нгелов и
челове́ к чинонача́ лия велича́ ют.

Да́ ры Христу́ любо́ вию принесла́ еси́ ,
преподобноиспове́ днице и мярек, / моли́ тву я́ ко зла́ то,
поще́ ние я́ ко лива́ н и страда́ ние я́ ко сми́ рну. / Тем тя
благоче́ стно велича́ ем.

Еле́ ем цело́ му дря́ и испове́ данием ве́ ры преукра́ шена, / вся
добра́ яви́ лася еси́ / и Еди́ ному Жениху́ обручи́ лася еси́ . /
Его́ же моли́ спасти́ ся почита́ ющим па́ мять твою́ , и мярек
сла́ вная.

Я́ ко го́ рлица пустыннолю́ бная, превита́ ющи в Го́ рний
Сио́ н, / от се́ ти лова́ щих изба́ вилася еси́ Правосла́ вною
ве́ рою, страда́ лице́ честна́ я, / ви́ димых и неви́ димых враг
посрами́ вши. / Те́ мже тя ку́ пно с а́ нгельскими ли́ ки
почита́ ем.

Богоро́ дичен: Тебе́ , Всеце́ тую Влады́ чицу, / я́ ко Всецари́ цу,
Христу́ Царю́ предстоя́ щую, / вку́ пе с
преподобноиспове́ дницею и мярек досто́ йно велича́ ем.

Свети́ лен:

Ду́ хом просвеща́ ема, и́ мярек преподо́ бная, / испове́ данием
Христа́ возсия́ ла еси́ в Це́ ркви Ру́ сстей. / Сего́ ра́ ди све́ том
Небе́ сным чту́ щия тя озари́ , ма́ ти всехва́ льная.

Сла́ ва, и ны́ не, Богоро́ дичен:

Вои́стинну, Богоро́дице, Тя благода́рственне велича́ем, / Ты бо еси́ Ма́ти ро́да христиа́нскаго и Храни́тельница досто́яния Твоего́, Це́ркве Росси́йския, / и возгла́вие ли́ка святы́х жен. На хвали́тех стихи́ры, глас 8.

Подобен: О, пресла́внаго чудесе́:

О испове́днице и мярек преподо́бная, / ты все житие́ твое́ вве́ргла еси́ / в сокро́вищницу Це́ркве Ру́сская, / я́ко вдови́ца две ле́пте, / удержа́нием и страда́нием, / моли́ твою́ и чистото́ю, / помышля́ющи, я́ко лу́чши пра́веднику ма́лая, / па́че бога́тства мно́га гре́шному, // и ны́не, я́ко му́драя де́ва, восхваля́еши Го́спода.

О, пресла́внаго чудесе́! / Кровоточи́вая жена́ ве́рою иногда́ исцели́ся, / ты же, честна́я и мярек, / у́зы темни́чныя и страда́ния восприе́мши, / тве́рдым испове́данием ве́ры Христо́вы / гони́телей посрами́ла еси́ / и, я́ко жена́, лю́бящая Го́спода, / досто́йно и пра́ведно пожила́ еси́, // те́мже тя прославля́ем.

Тя, уме́ршу ми́ру изволе́нием / и ду́шу за Христа́ не пощаде́вшую, / воздви́же Человеколю́бец Госпо́дь, / я́ко дщерь Иаи́рову, / к Небе́сней жи́зни и безсме́ртней трапе́зе, / сла́вная преподо́бноиспове́днице и мярек. / Те́мже в Це́ркви Ру́ссей, / я́ко дще́ри Сио́ни во врата́х Иерусали́ма, // о тебе́ хвалы́ Бо́гу возсыла́ем.

Сла́ва, глас 4:

Сле́зы по́стническия и страда́ния / мно́гою ве́рою и любо́вию Христу́ принесла́ еси́, / преподо́бноиспове́днице всечестна́я, / и ны́не дерзнове́ние и маши́ / моли́ти о проще́нии грехо́в на́ших, / прося́щи Правосла́вней Це́ркви утвержде́ния, / Оте́честву на́шему благостоя́ния // и всем лю́дем ве́лия ми́лости.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная, / вся́кия ско́рби избавля́ющи зе́млю Ру́сскую, / дом Твой нарече́нную / и кровью́ ново́му чени́ку и испове́днику освяще́нную. / Да не постыди́мся, Влады́чице Держа́вная, Тя призыва́ющии, / всех правосла́вных по́моще, / ра́досте и покро́ве // и спасе́ние душ на́ших.

Славосло́вие вели́кое. И отпу́ст.

НА ЛИТУРГИИ И

Блаже́нны от кано́на, пе́сни 3-я и 6-я.

Проки́мен, глас 4: Бо́же, дще́ри ца́рей // в че́сти Твое́й. Стих:

Приведу́тся Царю́ де́вы вслед Ея́.

Апо́стол: посла́ние Петро́во 1, зача́ло 59.

Аллилу́ия, глас 1: И́скренния Ея́ приведу́тся Тебе́. Стих:

Приведу́тся в весе́лии и ра́довании, введу́тся в храм Царе́в.

Ева́нгелие от Луки́, зача́ло 33.

Прича́стен: В па́мять ве́чную бу́дет пра́ведник:

Моли́тва

О всехва́льная преподобноиспове́днице и́ мярек, кро́ткая Христо́ва а́гнице, земли́ Росси́йския цве́те благоуха́нный, избра́нная, непоро́чная и до́брая в жена́х! Ты, благо́е и́го за поведе́й Госпо́дних терпели во подъя́мши и я́звы Его́ преподо́бием нося́щи, любо́вию после́довала еси́ Христу́; во дни же гоне́ний на Це́рковь Ру́сскую му́жественно во испове́дании Правосла́вныя ве́ры пребыла́ еси́ и, житие́ мона́шеское по́двигом страда́ния увенча́вши, в черто́г Небе́снаго Жениха́ возшла́ еси́. Те́мже мо́лим тя, сла́вная в жена́х испове́днице: моли́ Це́ркви на́шей в ми́ре и благоде́нствии пребыва́ти, стране́ же Росси́йстей непоколеби́мей в Правосла́вии и ми́ре сохрани́тися и всех враго́в сокруши́ти; ве́рным, по́двиго́в и́ночества воприи́мшим, во благоче́стии и послуша́нии укрепи́тися, в ре́вности по́бо́зе не оскудева́ти и neróпотным, бо́дренным и благода́рным всегда́ бы́ти; нам же, любо́вию тя почита́ющим, испроси́ вре́мя на покая́ние, тве́рдость во испове́дании ве́ры и́стинныя, заступле́ние от ко́зней вра́жиих и на Стра́шнем Суде́ предстоя́ние одесну́ю Го́спода на́шего Иису́са Христа́, Ему́ же со Отце́м и Святы́м Ду́хом подоба́ет вся́кая сла́ва, честь и поклоне́ние, ны́не и при́сно, и во ве́ки веко́в. Ами́нь.



Служба общая преподобноисповеднице Российстей XX века единой составлена Синодальной Богослужебной комиссией и утверждена Святейшим Патриархом Московским и всея Руси Алексием II и Священным Синодом 21 августа 2007 года.